



CONVENIO DE COLABORACIÓN ENTRE A SECRETARÍA XERAL PARA O DEPORTE E A ASOCIACIÓN LIGA NOROESTE CON MOTIVO DA ORGANIZACIÓN DA LIGA GALEGA DE TRAIÑEIRAS MASCULINA E FEMININA DA TEMPADA 2020

Santiago de Compostela, 20 de xaneiro de 2020

REUNIDOS

José Ramón Lete Lasa, secretario xeral para o Deporte da Xunta de Galicia, en uso das competencias desconcentradas nos secretarios xerais dependentes da Presidencia, en virtude da disposición adicional segunda do Decreto 76/2017, do 28 de xullo, de estrutura orgánica dos órganos superiores e de dirección dependentes da Presidencia da Xunta de Galicia.

Javier Rodríguez Barros presidente da Asociación Liga Noroeste, con CIF G36497782 e enderezo fiscal na Avda. das Américas 33, 15172 Perillo-Oleiros (A Coruña), no seu nome e representación, en exercicio das facultades atribuídas para o efecto polos seus estatutos.

EXPOÑEN

- I. Conforme ao establecido no Estatuto de Autonomía de Galicia, a Comunidade Autónoma galega asume a competencia exclusiva na materia da promoción do deporte (artigo 27.22), correspondéndolle á Secretaría Xeral para o Deporte as competencias de elaboración, proposta e execución da política do goberno galego en materia de deportes, conforme ao establecido no artigo 5 do Decreto 76/2017, do 28 de xullo, de estrutura orgánica dos órganos superiores e de dirección dependentes da Presidencia da Xunta de Galicia.
- II. Que a Asociación Liga Noroeste organiza a Liga Galega de Traíñeiras masculina e feminina correspondente á tempada 2020 en colaboración cos clubs de remo participantes.
- III. Que a Secretaría Xeral para o Deporte valora moi positivamente a formulación desta competición de alto nivel, entendendo que redundará no beneficio do deporte galego en xeral e do remo en particular.
- IV. O procedemento de outorgamento directo da axuda á Asociación Liga Noroeste xustifícase pola imposibilidade de promover a concorrencia, dado que aquela é a responsable da organización da Liga Galega de Traíñeiras, que tanto na categoría masculina como na feminina é a competición desta modalidade de remo que aglutina todos os clubs que participan nesta actividade en augas galegas. Por outra banda, hai que salientar que este tipo de probas tan específicas non poden encadrarse nunha convocatoria en réxime de concorrencia competitiva, dado que non é axeitado definir uns criterios xenéricos para a concesión de axudas a eventos e programas nunha mesma convocatoria mesturando actuacións de distinto tipo e envergadura, cada un dos cales responde a unhas necesidades diferentes e a unhas condicións específicas.
- V. Que co fin de asegurar o éxito da competición, fixando as bases da colaboración entre ambas as dúas entidades, estas conveñen en subscribir o presente convenio de colaboración conforme ás seguintes.



CLÁUSULAS

Primeira.- Obxecto do convenio.

O obxecto deste convenio é establecer os mecanismos de colaboración entre a Secretaría Xeral para o Deporte e a Asociación Liga Noroeste para a organización e desenvolvemento da Liga Galega de Traíñeiras correspondente a tempada 2020.

Con este convenio a Secretaría xeral para o Deporte colaborará cos gastos ocasionados con motivo da realización dos seus respectivos programas de promoción deportiva, no ano 2020, co fin de fomentar o deporte e a actividade física saudable no ámbito da Comunidade Autónoma de Galicia, colaborando así no desenvolvemento do sistema deportivo galego.

Segunda.- Natureza e réxime xurídico.

Este convenio é de natureza administrativa e consecuentemente, as cuestións litixiosas que xurdan na súa aplicación, interpretación e cumprimento serán competencia da xurisdición contencioso-administrativa.

Seralle de aplicación ao convenio a normativa administrativa de carácter xeral constituída basicamente pola Lei 39/2015 do 1 de outubro, do procedemento administrativo común das administracións públicas, así como a Lei 40/2015 do 1 de outubro, de réxime xurídico do sector público. Ademais seralle de aplicación a súa normativa específica constituída basicamente pola Lei 38/2003, do 17 de novembro, e o seu regulamento, aprobado polo Real decreto 887/2006, do 21 de xullo, nos seus preceptos declarados básicos, así como pola Lei 9/2007, do 13 de xuño, e o seu regulamento, aprobado polo Decreto 11/2009, de 8 de xaneiro.

Terceira.- Financiamento e importe da axuda.

3.1. Coa finalidade de cumprir o establecido na cláusula primeira, a Secretaría Xeral para o Deporte concédelle á Asociación Liga Noroeste unha subvención por un importe máximo de ata cento dez mil euros, (110.000,00€), imputables á aplicación orzamentaria e anualidade que de seguido se identifican:

04.40.441A.481.0.
Anualidade 2020

Este expediente tramítase como anticipado de gasto, de acordo coa Orde da Consellería de Economía e Facenda do 11 de febreiro de 1998 sobre tramitación anticipada de expedientes de gasto, modificada polas ordes da mesma consellería do 27 de novembro de 2000 e do 25 de outubro de 2001, e co establecido no Proxecto de lei de orzamentos xerais da Comunidade Autónoma, aprobado polo Consello da Xunta de Galicia na súa reunión do 17 de outubro de 2019, na cal se acordou a súa remisión ao Parlamento de Galicia para a súa tramitación.

A concesión das subvencións queda condicionada á existencia de crédito adecuado e suficiente non momento da resolución de concesión (artigo 25 RSG), isto é, no momento da sinatura do convenio.

3.2. O importe da axuda finalmente concedida en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custe da actividade para a que se concedeu.



3.3 Será obrigatorio declarar as axudas, públicas ou privadas, solicitadas e recibidas con carácter previo á sinatura do convenio así como no momento da presentación de cada xustificación.

3.4 No suposto de que a Asociación Liga Noroeste presente unha renuncia expresa por imposibilidade de realización dalgunha actividade, a contía asignada a tal actividade será subtraída da contía resultante para o segundo pagamento, a non ser que a asociación solicite a realización doutra actividade de características similares e lle sexa expresamente concedida pola Secretaría Xeral para o Deporte, en cuxo caso se mantería a contía da subvención.

Cuarta.- Concorrencia con outras axudas.

Esta subvención é compatible con outras subvencións e axudas, públicas ou privadas, que poida acadar a Asociación Liga Noroeste para a realización das actuacións obxecto do presente convenio, sempre que a suma de todas as subvencións e axudas non supere os gastos asumidos pola asociación con motivo das actuacións obxecto da subvención.

Quinta.- Obrigas da Asociación Liga Noroeste.

5.1. Xunto ás obrigas legais que se deriven dos ámbitos materiais das subvencións, contratación e calquera outros que lles sexan de aplicación, así como as demais establecidas no presente convenio, son obrigas da asociación o cumprimento dos seus termos así como da normativa reguladora de subvencións, particularmente o establecido no artigo 11 da Lei 9/2007 do 13 de xuño, e nos artigos correspondentes do Decreto 11/2009, do 8 de xaneiro.

Para a sinatura, seguimento e control do convenio, é requisito indispensable a presentación da documentación por medios electrónicos a través do formulario normalizado dispoñible na sede electrónica da Xunta de Galicia (<https://sede.xunta.gal>), para o procedemento PR004A.

Se a persoa representante da asociación entrega a súa solicitude presencialmente, requiriráselle que a emende a través da súa presentación electrónica. Para estes efectos, considerarase como data de presentación da solicitude aquela en que fose realizada a emenda.

Para a presentación da documentación poderá empregarse calquera dos mecanismos de identificación e sinatura admitidos pola sede electrónica da Xunta de Galicia, incluído o sistema de usuario e clave Chave365 (<https://sede.xunta.es/chave365>)

5.2. Para a sinatura, seguimento e control do convenio, é requisito indispensable a presentación da seguinte documentación:

- a) Anexo I - Documento de solicitude para a firma do convenio, onde se atopa recollido entre outros o seguinte:
 - a) Número de identificación fiscal (NIF) da Asociación Liga Noroeste.
 - b) Declaración responsable dos datos da conta bancaria onde se efectuarán os pagamentos.
 - c) Declaración responsable doutras subvencións ou axudas concedidas ou solicitadas para a mesma finalidade, procedentes de calquera outra administración ou de entes públicos ou privados, nacionais, da UE ou de organismos internacionais.
 - d) Declaración responsable de non atoparse incurso en ningunha das circunstancias previstas no artigo 13 da Lei 38/2003, do 17 de novembro.
 - e) Declaración responsable de non atoparse incurso en ningunha das causas de prohibición para obter a condición de beneficiario recollidas nos puntos 2 e 3 do artigo 10 da Lei 9/2007, do 13 de xuño, e demais normativa concordante.



- f) Declaración responsable de estar ao día no pagamento de obrigas por reintegro de subvencións, conforme ao artigo 10.2.g da Lei 9/2007, do 13 de xuño, e o artigo 9 do Regulamento de subvencións de Galicia, aprobado polo Decreto 11/2009, do 8 de xaneiro.
- g) Declaración de que todas as persoas vinculadas á asociación con motivo do desenvolvemento do convenio no ano 2020 que estean en contacto con menores, están en posesión do certificado negativo do Rexistro Central de Delinquentes Sexuais (en cumprimento do artigo 13 da Lei orgánica 1/1996 do 15 de xaneiro, de protección xurídica do menor, modificado pola Lei 26/2015 do 28 de xullo, de modificación do sistema de protección á infancia e á adolescencia).
- h) Declaración de adhesión ao manifesto pola igualdade no deporte asinado entre a Secretaría Xeral para o Deporte e a Secretaría Xeral de Igualdade.
- b) Anexo II - Relación clasificada de gastos e investimentos realizados.
- c) Anexo III - Relación de documentos e declaracións para a xustificación da subvención.
- d) Memoria económica explicativa de cada un dos gastos presentados nesta xustificación.
- e) Memoria de actividades deportivas realizadas correspondentes a cada unha das regatas que conforman a Liga Galega de Traíñeiras (masculina e feminina)..
- f) Certificado de estar ao corrente do cumprimento das obrigas tributarias e fronte á Seguridade Social e de non ter pendente de pagamento ningunha outra débeda coa Administración Pública da Comunidade Autónoma, soamente no caso de que as persoas interesadas se opoñan a esta consulta.
- g) Número de Identificación Fiscal da entidade así como o NIF ou NIE do solicitante, soamente no caso de que as persoas interesadas se opoñan a esta consulta.
- h) Orzamento da asociación Liga Noroeste para a organización da Liga Galega de Traíñeiras 2020 masculina e feminina.
- i) Relación de clubs participantes na Liga Galega de Traíñeiras onde figure o nome da persoa que preside a entidade deportiva así como os datos de contacto da mesma.
- j) Normativa de competición e normativa de regatas, regulamento disciplinario e calquera outro que afecte a organización e desenvolvemento da Liga Galega de Traíñeiras 2020.
- k) Calendario de competición, indicando datas, sedes e clubs participantes en cada caso.

5.3. Con carácter posterior á firma do convenio, a Asociación Liga Noroeste estará suxeita as seguintes obrigas de carácter xeral e específico:

5.3.1. Obrigas de carácter xeral

- a) Executar o obxecto do presente convenio.
- b) A Asociación e os clubs que asuman por delegación da Asociación a organización da Liga deberán facilitar toda a información que lle sexa requirida e someterse ás actuacións de comprobación que efectúe a Secretaría Xeral para o Deporte, así como facilitar toda a información que lle sexa requirida pola Intervención Xeral da Comunidade Autónoma, no exercicio das súas funcións de fiscalización e control do destino das subvencións. Así mesmo, para a prevención da corrupción, e de acordo co previsto na Lei 6/1985, do 24 de xuño, do Consello de Contas de Galicia, modificada



pola Lei 8/2015, do 7 de agosto, e co Texto refundido da Lei de réxime financeiro e orzamentario de Galicia, aprobado polo Decreto lexislativo 1/1999, do 7 de outubro, a asociación queda sometida aos procedementos de fiscalización que leven a cabo o Consello de Contas de Galicia e, no seu caso, segundo o previsto na Lei orgánica 2/1982, do 12 de maio, do Tribunal de Contas, aos procedementos de axuizamento contable que poida incoar o Tribunal de Contas, e a calquera outro órgano de control nacional ou europeo.

- c) A Asociación e os clubs que asuman por delegación da Asociación a organización da Liga deberán subministrarlle á Secretaría Xeral para o Deporte, en virtude do disposto no artigo 4 da Lei 1/2016 do 18 de xaneiro, logo do requirimento oportuno, toda a información necesaria para o cumprimento pola Secretaría Xeral para o Deporte das obrigas previstas no Título I da citada Lei.
- d) Conservar os documentos xustificativos da aplicación dos fondos recibidos, incluídos os documentos electrónicos, ao efecto das actuacións de comprobación e control.
- e) Colaborar e participar nas actividades de promoción do deporte que poida programar a Secretaría Xeral para o Deporte directa o indirectamente, así como publicitar e facer mención expresa da colaboración da Secretaría Xeral para o Deporte na organización do evento, asegurando a súa presenza nos diferentes actos protocolarios, de publicidade, presentación e celebración das diferentes regatas que conforman a Liga Galega de Traiñeiras así como nos diferentes medios de difusión dependentes da Asociación Liga Noroeste.
- f) Organizar a competición obxecto deste convenio (premios económicos aos clubs participantes, trofeos ou outro tipo de recoñecementos aos participantes, dinamización da competición, promoción exterior, comunicación, etc.)
- g) No seu caso, distribuír entre os clubs de remo participantes unha axuda económica correspondente coa asunción por delegación da asociación a organización total o parcial dunha proba da liga de traiñeiras.
- h) Contar cunha póliza de seguros que cubra os riscos inherentes ao desenvolvemento xeral do programa segundo o establecido no artigo 23 da Lei 3/2012, do 2 de abril, modificado na Lei 13/2015 do 24 de decembro, de medidas fiscais e administrativas. A Secretaría Xeral para o Deporte queda exonerada de calquera reclamación, incluídas as dos danos e prexuízos, que se poidan derivar da organización do evento ou con motivo deste.
- i) Comunicar calquera eventualidade significativa na programación da proposta admitida.
- j) Calquera outra á que veña obrigada segundo os termos do presente convenio. Con carácter xeral comprométese a observar as obrigas relacionadas no artigo 11 da Lei 9/2007, do 13 de xuño.

5.3.2. Obrigas de carácter específico

- a) Comunicar a Secretaría Xeral para o Deporte os datos referentes a resultados e clasificacións así como calquera outro dato considerado de interese cada luns seguinte á celebración de campionatos galegos, eventos nacionais e internacionais así como calquera outro considerado de especial relevancia.
- b) Velar pola igualdade efectiva entre mulleres e homes así como cumprir o establecido na Lei 19/2007 do 11 de xullo contra a violencia, o racismo, a xenofobia e a intolerancia no deporte.
- c) Promover o incremento da participación daquel xénero cuxa práctica sexa minoritaria dentro da práctica deportiva da Asociación Liga Noroeste.



- d) Colaborar, fomentar e facilitar a participación no deporte das persoas con algunha discapacidade, tal e como se establece no artigo 51 da Lei 3/2012, do 2 de abril.
- e) Posibilitar a participación inclusiva de todas as persoas deportistas independentemente da súa raza, inclinación sexual, ideoloxía, sexo, discapacidade e relixión.
- f) Velar polo cumprimento das normas fixadas polas autoridades en materia de prevención e loita contra a dopaxe no deporte.
- g) Velar polo cumprimento das normas fixadas polas autoridades en materia de loita contra a violencia no deporte.
- h) Velar polo cumprimento por parte da asociación das obrigas establecidas con motivo da lexislación relativa á protección xurídica do menor e ao sistema de protección da infancia e adolescencia.
- i) Fomentar a posta en práctica de medidas encamiñadas á prevención de accidentes deportivos.
- j) Garantir os dereitos lingüísticos de todas as persoas, empregando o galego e o castelán nas súas comunicacións.

Sexta.- Pagamento.

O artigo 63 do Decreto 11/2009, do 8 de xaneiro, prevé achegas anticipadas como financiamento necesario para poder levar a cabo as actuacións inherentes á subvención. O pagamento da presente subvención realizarase da seguinte forma:

- a) Un primeiro pagamento por importe de **55.000 €** en concepto de anticipo, conforme as previsións do artigo 63.1 do Decreto 11/2009, de 8 de xaneiro, polo que se aproba o Regulamento da Lei 9/2007, do 13 de xuño.
- b) O resto do importe, **55.000 €**, pagarase unha vez xustificado a totalidade do importe do convenio. A data límite de xustificación será o día 30 de novembro de 2020.

Sétima.- Xustificación da subvención.

7.1. Prazos de xustificación.

De acordo co artigo 45 do Decreto 11/2009, do 8 de xaneiro, a Asociación Liga Noroeste deberá presentar ante a Secretaría Xeral para o Deporte a xustificación da subvención antes do 30 de novembro de 2020.

Logo de que transcorresen estes prazos sen presentar a xustificación correspondente na Secretaría Xeral para o Deporte, requiriráselle ao beneficiario que no prazo improrrogable de dez días presente a referida documentación. A falta de presentación da xustificación neste prazo levará consigo a perda do dereito ao cobro total ou parcial da subvención, a esixencia de reintegro e demais responsabilidades establecidas na Lei 9/2007, de 13 de xuño.

7.2. Documentación que se debe entregar.

- a) Anexo II.- Relación clasificada da totalidade dos gastos e investimentos realizados.
- b) Anexo III.- Relación de documentos e declaracións para a xustificación da subvención.



- c) Facturas, con xustificación bancaria de que os pagamentos estean realizados cos requisitos esixidos no artigo 42.2 do regulamento de subvencións de Galicia. Para a súa consideración como subvencionable, considerarase efectivamente pagado o gasto cando se xustifique o pagamento mediante extractos ou certificacións bancarias debidamente identificados.
- d) Memoria económica explicativa de cada un dos gastos presentados nesta xustificación.
- e) Memoria de actividades deportivas realizadas correspondentes a cada unha das regatas que conforman a Liga Galega de Traiñeiras (masculina e feminina).
- f) Acreditación do cumprimento da aplicación pública da imaxe corporativa da Secretaría Xeral para o Deporte mediante a achega dos documentos gráficos nos que quede a súa constancia.

7.3. De conformidade co establecido no artigo 42.3 do Decreto 11/2009, do 8 de xaneiro, para o caso de importes inferiores á 1.000,00 €, as facturas, e as xustificacións bancarias, poderán ser substituídas polos recibín do correspondente proveedor. Esta posibilidade de xustificación por recibín queda limitada, en todo caso, aos ámbitos das arbitaxes, axudas de custo e quilometraxes.

7.4. No caso de facturas que superen o importe de 9.000,00 €, deberán achegarse polo menos tres orzamentos de tres empresas diferentes e a xustificación da elección da empresa correspondente. Os orzamentos deberán solicitarse e estar datados anteriormente á contratación levada a cabo pola asociación.

7.5. Para a xustificación económica do importe que, no seu caso, a Asociación Liga Noroeste distribúa entre os clubs de remo que interveñan na organización da Liga, a Asociación deberá:

- Presentar o acordo no que conste a asunción da obriga de organización da Liga por delegación da Asociación e a memoria asinada polo representante legal do club detallando todas as actividades realizadas e o custo de cada unha delas acompañadas das correspondente facturas así como dos xustificantes bancarios dos pagamentos feitos polo club para a realización da actividade delegada.
- Acreditar que o club non está incurso en ningunha das prohibicións previstas no artigo 10 da lei de subvencións de Galicia
- Acreditar que o club está ao día no cumprimento das obrigacións tributarias, estatais e autonómicas, e fronte á Seguridade Social

7.6. Os documentos xustificativos de gastos e pagamentos deberán de estar datados no período comprendido entre o 1 de xaneiro e o 30 de novembro de 2020.

Non obstante, segundo o establecido no artigo 29.2 da Lei 9/2007, do 13 de xuño, a acreditación do gasto relativo ás nóminas, ás cotizacións obrigatorias á Seguridade Social e retencións do IRPF correspondentes ao cuarto trimestre realizarase mediante a presentación da documentación xustificativa da súa realización e que respondan á natureza da actividade subvencionada. En consecuencia, para que estes gastos teñan a consideración de subvencionables non será preciso a acreditación do pagamento previo por parte de beneficiario.

En relación aos gastos relativos a nóminas, cotizacións á seguridade Social e retencións do IRPF correspondentes ao cuarto trimestre, aos que fai referencia o parágrafo anterior, o beneficiario está obrigado a acreditar o efectivo pagamento de ditos gastos con anterioridade ao 15 de febreiro do 2020. O incumprimento desta obriga dará lugar ao reintegro parcial da subvención. No caso de que o importe de subvención percibida polo beneficiario por aqueles conceptos sexa superior aos pagamentos efectivamente acreditados, procederá igualmente o reintegro parcial. No caso de que o importe de subvención percibida polo beneficiario por aqueles conceptos sexa inferior aos pagamentos efectivamente acreditados, a diferenza será a conta do beneficiario.



Oitava.- Gastos subvencionables.

- a) Os gastos de organización e xestión da actividade, incluídos os premios aos participantes.
- b) Os gastos en publicidade ou relacións públicas.
- c) Non se considera gasto subvencionable o IVE cando sexa susceptible de recuperación ou compensación.

Novena.- Gastos non subvencionables.

Sen prexuízo do establecido na lexislación vixente, e no resto das cláusulas deste convenio, non son gastos subvencionables:

- a) Os xuros debedores das contas bancarias.
- b) Xuros, recargas e sancións administrativas e penais.
- c) Os gastos de procedementos xudiciais.
- d) Os impostos indirectos cando sexan susceptibles de recuperación ou compensación.
- e) Os impostos sobre a renda das persoas física e xurídicas.

Décima.- Inexistencia de relación laboral

Dos acordos que se reflicten neste convenio de colaboración non se deriva en ningún dos casos dereitos ou obrigas de carácter laboral.

Décimo primeira.- Sustentabilidade

A Asociación Liga Noroeste velará por que as regatas que conforman a Liga Galega sexan sostíbeis desde o punto de vista económico social e medioambiental.

- a) Económico; mantendo as esixencias e necesidades do colectivo de participantes cunha redución no consumo dos recursos.
- b) Social; fomentando unha concienciación social no uso e respecto dos recursos e materiais.
- c) Medioambiental; utilizando, na medida do posible, sistemas capaces de cubrir as necesidades coa menor agresividade ao medio ambiente.

Décimo segunda.- Comisión de seguimento e interpretación.

Coa finalidade de asegurar o cumprimento deste convenio, crearase unha comisión técnica que estará composta por dous representantes da Secretaría Xeral para o deporte e dous representantes da Asociación Liga Noroeste.

A Comisión terá as seguintes funcións:

- a) Facer o seguimento e control do desenvolvemento do convenio.
- b) Propoñer a interpretación e resolución das dúbidas que se poidan suscitar na aplicación do convenio.

Esta Comisión actuará segundo o previsto no Capítulo II do Título Preliminar da Lei 40/2015, do 1 de outubro, do réxime xurídico do sector público.

Non obstante, todas aquelas cuestións que se susciten en relación co outorgamento, cumprimento, xustificación e pagamento, así como o reintegro e determinación das posibles responsabilidades relativas á subvención concedida serán resoltas pola persoa titular da Secretaría Xeral para o deporte.

Décimo terceira.- Vixencia do convenio e causas de resolución .



A vixencia do presente convenio estenderase dende o día seguinte o da súa sinatura ata o 30 de novembro de 2020, salvo denuncia expresa de calquera das partes. Non obstante esta vixencia, enténdense amparados polo presente convenio todos os gastos referidos dende o día 1 de xaneiro de 2020 ata o 30 de novembro do mesmo ano.

Son causas de resolución do presente convenio:

- a) O transcurso do prazo de vixencia do convenio sen se ter acordado a súa prórroga.
- b) O acordo unánime de todos os asinantes.
- c) O incumprimento das obrigas e compromisos asumidos por parte dalgún dos asinantes.
Neste caso, calquera das partes poderá notificar á parte incumpridora un requirimento para que cumpra nun determinado prazo coas obrigas ou compromisos que se consideran incumpridos. Este requirimento será comunicado ao responsable do mecanismo de seguimento, vixilancia e control da execución do convenio e ás demais partes asinantes.
Se, transcorrido o prazo indicado no requirimento, persiste o incumprimento, a parte que o dirixiu notificará ás partes asinantes a concorrencia da causa de resolución e entenderase resolto o convenio. A resolución do convenio por esta causa poderá levar á indemnización dos prexuízos causados se así se previse.
- d) Por decisión xudicial declaratoria da nulidade do convenio.
- e) Por calquera outra causa distinta das anteriores prevista no convenio ou noutras leis.

Os convenios subscritos pola Administración xeral da Comunidade Autónoma e as entidades instrumentais do sector público autonómico poderán ser obxecto de modificación cando teñan como finalidade o logro dos obxectivos de estabilidade orzamentaria e sustentabilidade financeira.

Ditas modificacións terán por obxecto a redución do volume das obrigacións ou a ampliación do seu prazo de execución.

Décimo cuarta.- Reintegro ou revogación

No caso de que o beneficiario da subvención incumprise o disposto neste convenio, a Secretaría Xeral para o Deporte revogará total ou parcialmente a subvención concedida, logo da audiencia do interesado.

Procederá o reintegro total ou parcial ao beneficiario das cantidades percibidas e as esixencia dos xuros de mora correspondentes, en aplicación do disposto nos artigos 33 e seguintes da Lei 9/2007, do 13 de xuño. As sancións en caso de incumprimento das obrigas fixadas ao beneficiario son as previstas nos artigos 59, 60 e 61 da citada lei.

Procederá a revogación da axuda e a obriga de reintegrala total ou parcialmente, así como, se fose o caso, a esixencia dos xuros de mora correspondentes nos supostos de:

- a) Obtención da axuda falseando as condicións requiridas para iso ou ocultando aquelas que o impedisen.
- b) Incumprimento total ou parcial do proxecto que fundamenta a concesión da axuda.
- c) Incumprimento das obrigas como beneficiario/a establecidas no convenio.
- d) A utilización dos fondos para fins distintos.
- e) Resistencia, escusa, obstrución ou negativa ás actuacións de comprobación e control financeiro establecidas nestas bases, así como o incumprimento das obrigas contables, o emprego dado aos fondos percibidos, o cumprimento do proxecto subvencionado ou a concorrencia doutras axudas para a mesma finalidade, procedentes de calquera administración ou ente público ou privado.
- f) Resultar inviable a realización das actuacións descritas neste convenio por causas non imputables ás partes.
- g) Por previa solicitude expresa do beneficiario.

Décimo quinta.- Transparencia e bo goberno.



De conformidade co artigo 17 da Lei 1/2016, do 18 de xaneiro, de transparencia e bo goberno, e co artigo 15 da Lei 9/2007, do 13 de xuño, de subvencións de Galicia, a Secretaría Xeral para o Deporte publicará na súa páxina web oficial a relación das persoas beneficiarias e o importe das axudas concedidas. Incluirá, igualmente, as referidas axudas e as sancións que, como consecuencia delas, puideren impoñerse nos correspondentes rexistros públicos, polo que a presentación da solicitude leva implícita a autorización para o tratamento necesario dos datos das persoas beneficiarias e a referida publicidade.

En virtude do disposto no artigo 4 da Lei 1/2016, do 18 de xaneiro, de transparencia e bo goberno, as persoas físicas e xurídicas beneficiarias de subvencións están obrigadas a subministrar á Administración, ao organismo ou á entidade das previstas no artigo 3.1 da Lei 1/2016 á que se atopen vinculadas, previo requirimento, toda a información necesaria para o cumprimento por aquela das obrigas previstas no Título I da citada lei.

Por outra parte, de conformidade co previsto nos artigos 17.3.b) e 20.8.a) da Lei 38/2003, do 17 de novembro, xeral de subvencións, transmitirase á Base de Datos Nacional de Subvencións a información requirida por esta, o texto da convocatoria para a súa publicación na citada base e o seu extracto no Diario Oficial de Galicia.

Segundo o artigo 17 da Lei 1/2016, de 18 de xaneiro, ademais da información que debe facerse pública segundo a normativa básica en materia de transparencia, a Secretaría Xeral para o Deporte publicará o texto íntegro do convenio.

Así mesmo estarase ao disposto no artigo 15 da Lei 1/2016, do 18 de xaneiro, de transparencia e bo goberno, sobre as obrigas específicas de información sobre convenios.

Décimo sexta.- Publicidade e rexistro de axudas.

O beneficiario da axuda coñece e consente a inclusión dos seus datos nos rexistros aos que, en virtude da normativa á que está sometido o convenio, deberá dársele publicidade a esta subvención, en concreto, nos rexistros regulados polo Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006.

A sinatura deste convenio leva implícito o consentimento expreso de todas as partes para ás obrigas de publicidade impostas pola Lei 1/2016, do 18 de xaneiro, de transparencia e bo goberno.

En proba de conformidade asínase o presente no lugar e data arriba indicados.

O secretario xeral para o Deporte

O presidente da Asociación Liga Noroeste

José Ramón Lete Lasa

Javier Rodríguez Barros

ANEXO I

PROCEDEMENTO	CÓDIGO DO PROCEDEMENTO	DOCUMENTO
CONVENIO DE COLABORACIÓN ENTRE A SECRETARÍA XERAL PARA O DEPORTE E A ASOCIACIÓN LIGA NOROESTE CON MOTIVO DA ORGANIZACIÓN DA LIGA GALEGA DE TRAÍNEIRAS MASCULINA E FEMININA DA TEMPADA 2019	PR004A	SOLICITUDE

DATOS DA ENTIDADE							
RAZÓN SOCIAL					NIF		
TIPO	NOME DA VÍA			NUM	BLOQ	PISO	PORTA
PARROQUIA				LUGAR			
CÓDIGO POSTAL		PROVINCIA		CONCELLO		LOCALIDADE	
TELÉFONO		FAX		CORREO ELECTRÓNICO			

E, NA SÚA REPRESENTACIÓN			
NOME	PRIMEIRO APELIDO	SEGUNDO APELIDO	NIF
EN CALIDADE DE			

DATOS PARA EFECTOS DE NOTIFICACIÓN	
Notifíquese a:	☐ Persoa representante
Todas as notificacións ás persoas interesadas realizaranse só por medios electrónicos a través do Sistema de Notificación Electrónica de Galicia No- tifica.gal, https://notifica.xunta.gal . Só poderán acceder á notificación co certificado electrónico asociado ao NIF da persoa indicada. Enviaranse avisos da posta a disposición da notificación ao correo electrónico ou teléfono móbil facilitados a continuación:	
TELÉFONO MÓBIL	CORREO ELECTRÓNICO

DATOS BANCARIOS							
Declaro baixo a miña responsabilidade que son certos os datos consignados relativos á conta bancaria indicada.							
TITULAR DA CONTA				NÚMERO DA CONTA BANCARIA (24 DÍXITOS)			
IBAN							

ANEXO I
(continuación)

A PESSOA REPRESENTANTE DECLARA:

1. Que en relación con outras axudas concedidas ou solicitadas:
- ☐ Non solicitou nin se lle concedeu ningunha outra axuda para este mesmo proxecto ou conceptos.
 - ☐ Si solicitou e/ou se lle concederon outras axudas para este mesmo proxecto ou conceptos, que son as que a continuación se relacionan:

[illegible]

2. Que todos os datos contidos nesta solicitude e nos documentos que se axuntan son certos.
3. Non estar incurso en ningunha das circunstancias previstas no artigo 13 da Lei 38/2003, do 17 de novembro, xeral de subvencións.
4. Non estar incurso en ningunha clase de inhabilitación para a obtención de axudas previstas nos apartados 2 e 3 do artigo 10 da Lei 9/2007, do 13 de xuño, de subvencións de Galicia.
5. Estar ao día no pago das obrigas por reintegro de subvencións, conforme ao artigo 10.2.g da Lei 9/2007, do 13 de xuño, de subvencións de Galicia, e o artigo 9 do Regulamento de subvencións de Galicia, aprobado polo Decreto 11/2009, do 8 de xaneiro.
6. Todas as persoas vinculadas á asociación con motivo do desenvolvemento da súa actividade no ano 2019 que estean en contacto con menores, están en posesión do certificado negativo do Rexistro Central de Delinquentes Sexuais (en cumprimento do artigo 13 da Lei Orgánica 1/1996 do 15 de xaneiro, de Protección xurídica do menor, modificado pola Lei 26/2015 do 28 de xullo, de modificación do sistema de protección á infancia e á adolescencia).
7. A adhesión ao manifesto pola igualdade no deporte asinado entre a Secretaría xeral para o Deporte e a Secretaría xeral de Igualdade.

COMPROBACIÓN DE DATOS

Os documentos relacionados serán obxecto de consulta electrónica automatizada.

- DNI ou NIE da persoa representante
- NIF da entidade
- Certificado de estar ao corrente do cumprimento das obrigas tributarias coa AEAT
- Certificado de estar ao corrente do cumprimento das obrigas fronte á Seguridade Social
- Certificado de non ter pendente de pago ningunha outra débeda coa Administración Pública da Comunidade Autónoma

DOCUMENTACIÓN QUE SE PRESENTA

- ☐ Orzamento da asociación Liga Noroeste para a organización da Liga Galega de Traiñeiras 2019 masculina e feminina
- ☐ Relación de clubs participantes na Liga Galega de Traiñeiras.
- ☐ Normativa de competición e normativa de regatas, regulamento disciplinario e calquera outro.
- ☐ Calendario de competición.

INFORMACIÓN BÁSICA SOBRE PROTECCIÓN DE DATOS PERSOALS

Responsable do tratamento	Xunta de Galicia. Consellería ou entidade á que se dirixe esta solicitude, escrito ou comunicación.
Finalidades do tratamento	A tramitación administrativa que se derive da xestión deste formulario e a actualización da información e contidos da Carpeta cidadá.
Lexitimación para o tratamento	O cumprimento dunha tarefa en interese público ou o exercicio de poderes públicos segundo a normativa recollida no formulario, na páxina https://www.xunta.gal/informacion-xeral-proteccion-datos e na ficha do procedemento na Guía de Procedementos e Servizos. Consentimento das persoas interesadas, cando corresponda.
Persoas destinatarias dos datos	As Administracións públicas no exercicio das súas competencias, cando sexa necesario para a tramitación e resolución dos seus procedementos ou para que as persoas interesadas poidan acceder de forma integral á información relativa a unha materia.
Exercicio de dereitos	As persoas interesadas poderán acceder, rectificar e suprimir os seus datos, así como exercitar outros dereitos a través da sede electrónica da Xunta de Galicia ou nos lugares e rexistros establecidos na normativa reguladora do procedemento administrativo común.
Contacto delegado de protección de datos e máis información	https://www.xunta.gal/proteccion-datos-persoais
Actualización normativa: No caso de existir diferentes referencias normativas en materia de protección de datos persoais neste procedemento, prevalecerán en todo caso aquelas relativas ao Regulamento Xeral de Protección de Datos.	



SINATURA DA PERSOA REPRESENTANTE

--

Lugar e data

	,		de		de		
--	---	--	----	--	----	--	--

Secretaría Xeral para o Deporte



ANEXO III

RELACIÓN DE DOCUMENTOS E DECLARACIÓNS PARA A XUSTIFICACIÓN DA SUBVENCIÓN

DATOS DA ENTIDADE	
RAZÓN SOCIAL	NIF

E, NA SÚA REPRESENTACIÓN (deberá acreditarse a representación fidedigna por calquera medio válido en dereito)			
NOME	PRIMEIRO APELIDO	SEGUNDO APELIDO	NIF
EN CALIDADE DE			

A PERSONA REPRESENTANTE DECLARA:

1. Que a subvención total concedida con cargo ao Convenio asinado foi de **110.000 €**
2. Que no momento da sinatura do Convenio recibiu como 1º anticipo a cantidade de **55.000 €**, equivalente ao 50 % do importe total.
3. Que en relación con outras axudas concedidas ou solicitadas:
☐ Non solicitou nin se lle concedeu ningunha outra axuda para este mesmo proxecto ou conceptos.
☐ Si se solicitou e/ou se lle concederon outras axudas para este mesmo proxecto ou conceptos, que son as que a continuación se relacionan:

ORGANISMO	IMPORTE

4. Que todos os datos contidos nesta solicitude e nos documentos que se achegan son certos.
5. Que a entidade non está incurso en ningunha das circunstancias previstas no artigo 13 da Lei 38/2003, do 17 de novembro, xeral de subvencións.
6. Que a entidade non está incurso en ningunha clase de inhabilitación para a obtención de axudas previstas nos apartados 2 e 3 do artigo 10 da Lei 9/2007, do 13 de xuño, de subvencións de Galicia.
7. Que a entidade está ao día no pago de deberes por reintegro de subvencións, conforme ao artigo 10.2.g da Lei 9/2007, do 13 de xuño, de subvencións de Galicia, e o artigo 9 do Regulamento de subvencións de Galicia, aprobado polo Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño.
8. Todas as persoas vinculadas á asociación con motivo do desenvolvemento da súa actividade no ano 2019 que estean en contacto con menores, están en posesión do certificado negativo do Rexistro Central de Delinquentes Sexuais (en cumprimento do artigo 13 da Lei Orgánica 1/1996, do 15 de xaneiro, de Protección xurídica do menor, modificado pola Lei 26/2015, do 28 de xullo, de modificación do sistema de protección á infancia e á adolescencia).

DOCUMENTACIÓN QUE SE PRESENTA

- ☐ Relación clasificada de gastos e investimentos por importe de _____ € (anexo II)
- ☐ Facturas do gasto incorrido, así como os documentos bancarios acreditativos do seu pago.
- ☐ Memoria económica explicativa de cada un dos gastos presentados.
- ☐ Memoria de actividades deportivas realizadas correspondentes a cada unha das regatas que conforman a Liga Galega de Traiñeiras (masculina e feminina).
- ☐ Acreditación do cumprimento da aplicación pública da imaxe corporativa da Secretaría Xeral para o Deporte, mediante a presentación da documentación gráfica correspondente.

A PERSOA REPRESENTANTE SOLICITA

O cobro do 2º pago por importe de **55.000 €**, equivalente ao 50 % restante, unha vez xustificado o importe total da subvención.

SINATURA DA PERSONA REPRESENTANTE

Lugar e data

Secretaría Xeral para o Deporte

